

Amra Kišić - Završni magistarski rad

Fakultet/Akademija	FILOZOFSKI FAKULTET
Tip Rada	Završni magistarski rad
Kandidat, zvanje	Amra Kišić
Naziv Teme	Uloga socijalnog rada u prevenciji prestupničkog ponašanja maloljetnika
Rezime/Abstract	<p>Zadatak ovog rada bio je teorijski i empirijski istražiti, analizirati i utvrditi ulogu socijalnog rada u prevenciji prestupničkog ponašanja maloljetnika. Teorijski je predstavljena uloga socijalnog rada, preventivne aktivnosti svih subjekata koji imaju značajnu ulogu u socijalizaciji maloljetnika. Za potrebe istraživanja konstruisani su upitnici. Uzorak istraživanja obuhvatio je 100 ispitanika kojeg su činili stručni radnici koji se u okviru svog poslovnog referata bave problematikom prestupničkog ponašanja maloljetnika. U okviru istraživanja teme magistarskog rada pošlo se od premise da je profesija socijalnog rada i njegova uloga u prevenciji prestupničkog ponašanja nedovoljno istražena, da u okvirima profesije socijalnog rada postoje mehanizmi i metode kojima se može efektivno preventivno djelovati na mlade ljude. Osim toga, uz pomoć profesije socijalnog rada može se uspostaviti dobra saradnja i koordinacija institucija socijalne zaštite, škole, porodice i svih onih koji čine bitan segment socijalizacije maloljetnih osoba. Rezultati ukazuju na činjenicu da je na prostoru TK-a prestupničko ponašanje dostiglo nivo ugrožavanja osnovnih društvenih normi (61%), te postoji nedostatak efektivnih programa prevencije prestupništva, postojeći programi nisu dali željene rezultate jer mjere nisu adekvatno i blagovremeno provedene (53%). Lokalnoj zajednici na čijem prostoru je vršeno istraživanje je potreban preventivni program baziran na savremenim potrebama društvene zajednice u okvirima narastajućih problema kako ekonomskih, socijalnih i sl.. Analizom rezultata istraživanja nastojalo se doći do podataka potrebe za inovativnim pristupima prevencije prestupničkog ponašanja, pri čemu bi profesija socijalnog rad imala vodeću ulogu supervizora i koordinatora preventivnih aktivnosti. U ostvarivanju pozitivnog efekta prevencije u okvirima savremenog društva neophodno je ostvariti organizacijske, kadrovske, materijalne i stručne preduvjete za provođenje efikasne politike prevencije i suzbijanja prestupničkog ponašanja, kako bi se izvršila studiozna analiza pojave. U evaluaciji rada došlo se do saznanja da određeni nivo rada na prevenciji prestupničkog ponašanja postoji ali da je nedovoljan i nedosljedan. Tradicionalan način funkcionisanja lokalnih zajednica pokazuje sve veće deficite i manjak sposobnosti u podizanju mladih osoba, te se javlja potreba za integracijom postojećih komponenti uz dodavanje novih pristupa i servisa za adolescente, kako bi se zadovoljile potrebe mladih na nivou zajednice. U ovom radu multidisciplinarni pristup sa socijalnim radom kao koordinatorom aktivnosti predstavljen je kao potencijalna karta uspjeha. Maloljetnik živi, radi, kreće se u različitim socijalnim sredinama i socijalnim uslovima koji mogu biti i protektori i faktori rizika. Sveobuhvatna analiza i kontrola aktera u životu maloljetnika pruža dobru osnovu za planiranje i programiranje prevencije.</p>
Datum	14.07.2016
Predsjednik	1. Dr. sc. Hariz Šarić, vanr. prof. izabran za užu naučnu oblast „Posebna područja socijalnog rada“, Filozofski fakultet Univerziteta u Tuzli
Mentor	Dr. sc. Nijaz Karić, vanr. prof. izabran za užu naučnu oblast „Teorija i metodologija socijalnog rada“, Filozofski fakultet Univerziteta u Tuzli
Član komisije	Dr. sc. Asim Pandžić, docent izabrana za užu naučnu oblast „Socijalna politika, zaštita, sigurnost, rehabilitacija i menadžment“, Filozofski fakultet Univerziteta u Tuzli
Član komisije	-
Član komisije	-
Zamjenski član	doc. dr. Erna Lučić
Dodatni detalji i lokacija	Javna odbrana magistarskog rada obaviti će se 14.07.2016. u 12 sati na Filozofskom fakultetu Univerziteta u Tuzli
Završne Odredbe	Pristup javnosti je slobodan. Rad se može pogledati u Sekretarijatu fakulteta radnim danom od 08 do 14 sati.